

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909750609, 1909750659 և 1909793662 որոշումները՝ բեկանելու և վարչական իրավախախտումների վերաբերյալ գործերը կարճելու մասին

<<22>> 11 2019թ. 14-4-9603

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով քաղաքացի Անժելա Վարազդատի Մկրտչյանի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Անժելա Վարազդատի Մկրտչյանը 18.10.2019թ. (հիմք-109404-19) դիմումով հայտնել է, որ իր անվամբ հաշվառված BMW X5 մակնիշի 36 FQ 222 հաշվառման համարանիշի ավտոմոբիլը 2019թ. հունիս ամսին խարդախությամբ հափշտակել է Արման Սեդրակի Մանուկյանը: Նշել է, որ ինքը երբևէ չի վարել այդ ավտոմոբիլը, սակայն իր անվամբ առկա են վարչական իրավախախտումների վերաբերյալ որոշումներ: Խնդրել է ազատել իրեն պատասխանատվությունից և բեկանել այդ որոշումները:

Դեպքի առթիվ 03.10.2019թ. հարուցվել է թիվ 10875218 քրեական գործը, կատարվում է նախաքննություն: ՃՈ ՏՄՀԽԱ կենտրոնում կատարված ուսումնասիրության արդյունքում պարզվել է, որ BMW X5 մակնիշի 36 FQ 222 հաշվառման համարանիշի ավտոմոբիլով 29.06.2019թ. և 08.07.2019թ. կատարված և տեխնիկական սարքերի միջոցով հայտնաբերված իրավախախտումների փաստերով կայացվել են թիվ 1909750609, 1909750659 և 1909793662 որոշումները ավտոմոբիլի սեփականատեր՝ Անժելա Վարազդատի Մկրտչյանի անվամբ:

Համաձայն Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասի՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, եթե չի ապացուցում, որ խախտումը կատարել է այլ անձ:

Տրանսպորտային միջոցի տնօրինող անձի վերաբերյալ անհրաժեշտ տվյալներ ստանալու նպատակով Ճանապարհային ոստիկանության կողմից գրավոր հարցում է կատարվել Աջափնյակ և Դավթաշեն վարչական շրջանի քննչական բաժին, որին ի պատասխան թիվ 10875218 քրեական գործի վարույթը իրականացնող քննիչը պատասխան գրությամբ ուղարկել որպես մեղադրյալ ներգրավելու մասին որոշումը: Նշված որոշումում առկա չէ անհրաժեշտ տեղեկատվություն, քանի որ նշված դեպքի մասնակից անձինք գտնվում են հատախաղման մեջ և հայտնի չէ, թե իրավախախտման պահին ով է վարել BMW X5 մակնիշի 36 FQ 222 հաշվառման համարանիշի ավտոմոբիլը:

Այսպիսով, ապացուցված է համարվում այն փաստը, որ BMW X5 մակնիշի 36 FQ 222 հաշվառման համարանիշի ավտոմոբիլը 29.06.2019թ. և 08.07.2019թ. չի վարել սեփականատեր Անժելա Վարազդատի Մկրտչյանը, հետևաբար թիվ 1909750609, 1909750659 և 1909793662 որոշումներով ամրագրված իրավախախտումների համար չի կարող կրել վարչական պատասխանատվություն, իսկ խախտում կատարած անձին պարզելու միջոցներն արդյունք չեն տվել և սպառվել են:


Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909750609, 1909750659 և 1909793662 որոշումները բեկանել և վարչական իրավախախտումների վերաբերյալ գործերը կարճել:

2. Ճանապարհային ոստիկանության վարչական տույժ նշանակելու մասին թիվ 1909750609, 1909750659 և 1909793662 որոշումներով նշանակված տուգանքների գումարների բռնագանձման պահանջով ՀԿԱԾ-ում հարուցված կատարողական վարույթներից հրաժարվել:

3. Սույն որոշման օրինակներն ուղարկել Անժելա Մկրտչյանին (հասցեն՝ ք.Երևան, Բագրատունյաց փ., 2.43. բն.48), ՏՄՀԽԱ կենտրոն և ՎԱԿԱ բաժանմունք:



Ե.Կարապետյան

Կատարող՝ Ա.Տիգրանյան